

Luswz Siujyoz:

Daj Yozcenzbanh Hainduj Ca Song Saw Vah Sonhag

路兹小学:从学前班开始狠抓“壮汉”双语教学

■ bonjbauq gicej Mungz Sugij

Aen bakdou yozyau moqsak.

Lungzanh Yen miz 5 aen hagdangz sawqdiemj son Sawcuengh, Gyauzgen Cin Luswz Siujyoz dwg ndawde aen he, hagdangz ciemq dei 1.6 fanh bingzfuengmij, seizneix miz youwzbanh、yozyenzbanh caeuq it daengz haj nienzgaep gungh 7 aen ban, miz hagseng 233 vunz. Hagdangz miz 9 boux lauxsae, miz 2 boux dwg conhyez Sawcuengh bizyez. Gaenh geij bi gvaqdaeuq, hagdangz ndaej baihgwnz gak gaep bumwnz gvnsim caeuq cihciz, gyauyoz sezsih ndaej gaijndei, gveihcangh cidu ndaej caezcienz, suijbingz song saw vah sonhag ndaej daezsang, cingzcih sonhag lwenqda.

Luswz Siujyoz gig yawjnaek gij hong Sawcuengh Sawgun song saw vah songhag, hagdangz ciuq gij iugouz baihgwnz gyauyuz bumwnz, youq yozcenzbanh couh son hagseng sing yinh diuh Sawcuengh. Lauxsae cimdoi qij daegdiemj lwnyez, yungh sam cungj vah——Vahbonjdieg、Vahcuengh byauhcuq、Vahgun bae son lwnyez, sawj hagseng gig vaiq couh rox doeg、rox sij、rox gyoep Sawcuengh lo.

Youq duenh yivu gyauyuz, Luswz Siujyoz cizgiz damqra diuz-roen ndei song saw vah sonhag. Aenvih hagseng youq yozcenzbanh couh hag le sing yinh diuh, hag rox baenzlawz gyoep Sawcuengh lo, ndigah daj it nienzgaep hainduj, lauxsae couh son gyoengqde gyoepdoeg gij cih ndaw govwnz, sawj gyoengqde roxyiuj ei qsei doengh gij cih haenx, doengzseiz haeujsim baenzlawz doeg gij cih neix, cugciemh roxyiuj gij ei qsei daengx coenzvah, caiq giethab gij ei qsei Vahgun, sijsaeq roxyiuj gij neiyungz daengx bien govwnz. Daengz ngeih nienzgaep le, cingqsih yungh Vahcuengh Vahgun sonhag. Seizneix lauxsae cujyau hawj hagseng rox yawj、rox doeg、rox yuuj govwnz, caemhcai q youq ndaw faenzcieng ra vwndiz, gaendwk dwg doeg cihmoq、swzmoq, hag rox cujswz caeuq cauxgawq. Hagseng sam nienzgaep doxhwnj cujyau hag sij cozvwnz, hag doeg Sawcuengh gangj Vahcuengh, hag rox baenzlawz yungh Sawcuengh

fanhoiz Sawgun. Vahcuengh Vahgun song cungj saw vah doengzcae z sonhag, sawj cingzcih hagseng ndaej daezsang gig vaiq, 2013 nienz Luswz Siujyoz miz 13 boux doengzhag ndaej bingzguh Lungzanh Yen caeuq Nanzingz Si “sam ndei hagseng”, 2015 nienz youh miz 7 boux doengzhag ndaej bingzguh yienh、si “sam ndei hagseng”, 2015 nienz haggeiz cawzcin cwzsi, daengx hagdangz miz 22 boux hagseng yijvwnz、suyoz cungj gauj ndaej 90 faen doxhwnj.

Hagseng cingzcih ndei dwg baengh lauxsae son ndaej ndei. Haujlai bi gvaqdaeuq, gyoengq lauxsae song saw vah Luswz Siujyoz youq gyadaih ligdoh guh song saw vah sonhag le, simhaw hagsib gij gingniemh yozyau wng sonhag song saw vah guh ndaej ndei haenx, mboujduenh gaijndei fuengfap sonhag, doengzseiz cizgiz camgya gak cungj song saw vah sonhag doxdax ndaw yienh, baengh neix

bae daezsang gij suijbingz sonhag swheij. 2012 nienz 10 nyied, Lungzanh Yen youq Luswz Siujyoz guh song saw vah godangz sonhag doxdax, lauxsae song saw vah Luswz Siujyoz Luz Fungh aeunda ej ngeih daengjciengj, Luz Siufangh aeunda ej sam daengjciengj. Ndaw hagdangz gij lauxsae wng hix ndaej ciengj lai raixcaix: 2014 nienz 6 nyied, Lungzanh Yen gawjbanh Cuengh Gun song saw vah gangigoq doxdax, yaucangj Luz Cinghvaz aeunda ej youhsiu cijdaujciengj, Veiz Ginhyen caeuq Luz Yezli lauxsae aeunda ej ngeih daengjciengj; 2014 nienz 12 nyied gyoengqde youh faenbied aeunda ej Lungzanh Yen Cuengh Gun song saw vah gyauanq doxdax ngeih daengjciengj、sam daengjciengj caeuq it daengjciengj. 1993 nienz 12 nyied Luz Yezli lauxsae lij bingz ndaej daengx gih Sawcuengh haeu j hagdangz sizyen gunghcoz senhcin goyinz dem.



▲ Hwzbanjbauq ndaw hagdangz.



▲ Luz Fungh lauxsae youq gwnz dangz doxdax dazyinx hagseng hoizdap vwndiz.



▲ Luz Cinghvaz yaucangj cingq hwnj dangz doxdax.



▲ Yienh gyauyuzgiz lingj-dauj caeuq boux ndaej ciengj doxcaemh ingjsiengq.



▲ Doxdax bengcag.



▲ Gij hagseng 2015 nienz haggeiz cawzcin yijvwnz、suyoz cungj gauj ndaej 90 faen doxhwnj haenx.



▲ Gyoengq doengzhag 2015 nienz cawzcin ndaej yienh、si sam ndei hagseng haenx.